

MAITIRO EVARIMI MUAFRICA PAMBEU

MuAfrica varimi vanorima minda midiki uye kudzikorora kudyara mbeu pamwechete nekuchinjanisa mbeu dzavanenge vakachengeta kubva pagohwo remwaka unenge pfuura.

Maitiro embeu dzakadai ndeekare aitwa nemadziteteguru edu panguva dzavakatanga zvekurima.

Maitiro aya anopa zvikamu makumi masere kubva muzana zvembeu dzinoshandiswa pakurima izvo zvinopa gohwo rinogutsa zviuru nezviuru zvevanhu muAfrica yose. Semuenzaniso varimi vadiki vanowana zvikamu gumi kubva muzana zvembeu dzavanoshandisa kubva muzvitoro.

Kupanana mazano, kuchinjana mbeu, nekuwedzera mbeu ndizvo zvakaite kuti kuve nembeu dzakawanda dzakasiyana siyana uye zvirimwa. Kushandisa mbeu dzakasiyana siyana kwakakosha pakubatsira varimi pamamiriro ekunze, semuenzaniso kana kusinganayi mvura kwenguva refu.

Zvirimwa zvakasiyana siyana zvinobatsira pakupa hutano hwakanaka kuvanhu nezvipfuyo uye ivhu.

Varimi vadiki ndivo vane chikamu chihombe pakuchengetwa kwembeu kwemakore. Kubva pakusarudza mbeu, kuchengetedza uye kudziuchika. Vanotarisa zviratidzo zvakaite sekukurumidza kuibva kwembeu, uye mbeu dzisingakanganiswi nekuoma kwekunze, mbeu dzinonaka pakudya, nedzimwewo dzinoshandiswa pachivanhu chedu. Kuti pave neramangwana rakanaka Hurumende dzinofanira kutsigira uye kudzivirira varimi panzira dzavanoshandisa pakugadzira mbeu dzavo kuitira kuti pasave nedambudziko rekushaya zvekudya uye zvose zvinodiwa paupenyu.

